

مشتاق

صراط

۱۳۲۶

مطبعه و محل اداره :

جفبال اوغلنده امنیت
صندوغی جوارنده
شنکول یقوشنده
۲۵ نومبر

افطار :

مسلمکمزده وفاق آثار
جذبیه مع الممنونیه
قبول اولنور

درج ایدلمه یین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه بحث ایرر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبدیه	۱۷	۹

آلتیجی جلد

۷ ربیع الاخر پنجشنبه ۲۱ نیشان ۳۲۷

عدد : ۱۳۹

مفکر کی اسلامیتك عاقبتی دوشونمكه حصر ایت. و بوندن صوكرده و جدانك سنك آمر عادلک اوله جقدر.

مولودرهده تبعه دولت علیه دن
قونیه لی

مصطفی راغب

مطبوعات

حقسز اتهام ، محق مدافعه

روسیه مسلمانلرینك بر آزا اویقودن باش قالدیروب محافظه ملیت و تزید قدرت ایچون چالشمه یه باشلادقلرندن بری ، روس حکومتی و بر قسم - برکت ویرسون کو چك بر قسم - روس مطبوعات ، اولنر علیه کیندکجه آرتان ، چوغلان تعرض و اتهام اولقلری یاغدیروزلر. منابت دوشدکجه بو حقسز تعرضلری یازوب ، شمال قاره قوشنك یرتیجی طیرناق ییجه سنده صیقیاروب آزیلن زواللی دین و دیل قار - ده شاریمزك حالندن و طنداش لریمیزی خبردار ایتیه اوغراشیورز. صوگ آیلرده تضیقلر پک زیاده چوغلادی. قزان ، اورنبورغ ، اوفاء باکو کی مراکز اسلامیهده باجمله مسلمان غزته اداره خانه لری تفتیش و بر چوق نامدار مسلمانلر توقیف ، بعض غزته لر تعطیل اولندی. روسیهده مسلمان حیات و مدنیتی محو قصدیل بو صیقیجی ، ایزیحی ییجه نك طیرناقلری باتمایان بر باغچه سرای ، اسکی قریم خانلری اقامت کاهی اولان بو آسوده و نائم بلده قالمشدی. صوگ کلن « ترجمان » ، ییجه نك بورایهده اوزاندینی یازیور :

« کینلرده روسکویه زنامیا » غزته سنده باغچه سرای حقنده بیوک برافترا واردی . پترسبورغده نشر اولنان و معلوم بر فرقه سیاسیه نك ناشر افکاری اولان بو غزته ده روسیه مسلمانلری حقنده بر جوق کولچ و فنا شیلر یازلمده ایسه ده بونلرک ردینه تزل ایتور ایدک ، چونکه یازیلرک اکر یلکی و غرضلری ذاتاً جمله ظاهر کی ایدی . بودفعه باغچه سرای علیهده یازدینی افترا معناً و موقعاً توکروب کچه چك شیلردن دکدر . او قدر دکدرکه حالادرین ایتو لرده بولنان بز مبارک آدملری طوب سسندن اویانمش کی مذکور غزته یی قهوه دن قهویه آلدیروب ، آلدن آله کزدیروب حیران ، حیران اوقومه یه نجور ایتدی .

افترانك خلاصه سی شودر :

« تانارلر بلده سی اولان باغچه سرای استانبول ایله مناسبتده در استانبولدن کوندرلش سیاسی آژانلر (مأمورلر یوواسیدر ، برمدنبری روسیه یه صادق و دوغری قارت مللاری خدمتلرندن چیقاروب عثمانی تربیه سی آلمش یکی فکرلر ایله طولش یاش منلاره مقام ویریلور امام و معلم تدارک ایتک اوزره استانبوله طلبه یووالانیور . بو حالک ثمره سی اوله رق ایمپراطور نامه دعالر اید . لمبور ، سلطان مراده (!) دعا یدیلور ، مکتب کتابلرینه ینه سلطان مرادک رسمی طبع اولنور . قهوه خانه لرده مکتبلرده سلطانک رسمی دیوارلره آصیلور ، قوزی دریمی قالیاق ترک اولنوب ، عثمانی فیملری کییلور و الحاصل روسلره خیانت تدارکنده بولنیلور .

« کله لم افترانك کیزی مطلبه : « تانارلره امنیت ایدلامی ، هر درلو ایشدن اموردن ال چکدیرلی ، بر کون بونلر باشمزه بلا چیقاره جقدر » .

« ترجمان » رفیق محترمز بوقوری افزالری جوابسز براقیور : « روسکویه زنامیا » فرقه غزته سی منفعت و غرض ورقه سی اولدینی حالده دخی یازدقلری شیلر و خبرلر عقله معقول منطقه موافق اولمق لازم دکلی عجباً ؟ مسلمانلره قره لیکلر سورمک ، لوقه لرینه زهر و آغوسریمک مراد اینسون . . . بز قره یازیلی باشمز دیوب کچرسکده بیچاره روسلرک کنهای ندرکه بوبله فنا یالانلر ایله بونلرک کوکلنی قرار دیورسز ؟ اوت ، باغچه سرایده برخیلی عثمانی تبعه سی واردر . بونلرک برجزوی آناطولیدن کلش اوستالردر لبوادیاده سرای ایمپراطوری انشاسنه چالشدیریلانلرک قارداشلری و همشهریلریدر فورونجیلر طاشجیلر . . . بونلرمیدر قورقیلان سیاسی مأمورلر ؟

« بر مقدار ده ا عثمانی تبعه سی قریم تانارلریدر که مهاجر اولادی اوله رق اکثری قریعه دوغمش ، ترکیانی کورمامش فقرادر ، هر بری هر سنه پولیسیدن والیدن اقامت رخصتی آلوب بر لوقه اکک ایچون چالشیورلر . بونلرک عقی ، فکر و معلومات « روسکویا زنامیا » خبرچیسنك عقی قدر اولسه کرکدر ظن ایدرز .

دوغریدر ، باغچه سرایده برخیلی فسلی کورونیور . بز وقتی ده ا زیاده اولیور لکن یکی برعات دکدر ، پک اسکیدر . فرانسیز شایقه سی کیمش روسلر و طنلرینه نقدر خائن ایسه . فس کیمش بعض تانارلرده شوقدر خائندر . دوغریدر ، بعض قهوه لرده عثمانیله باصلمش رسملر واردر . لکن قارشی دیوارده جنرال سقوبیلک جنرال غورقونک حبش ایمپراطوری منلیک حضرتلرینك رسملریده بولنور . . . وطنده ایش بولسه لر دیار غربته چیقمازلر ایدی . طلبه حرکتی دخی بوبله در .

« بوکون اوروپاده دخی بش اون تانار طلبه سی واردر ، بونلر فرانسیزمنستر لرینه محبت ایدوب کیشیور ، طبق روسلرکی لسان و عرفان بولنده چالشیورلر . « روسکویه زنامیه » تانارلرک جاهل اوغلی جاهل قاله لرینی ایتیور ایسه ، قباح تانارلرده کل غزته نك یا کلش نظرنده در .

فقط بو سوزلری کیم دیکلیه چک :

قاضی اوله دعواچی و محضر دخی شاهد ،

اول محکمه نك حکمنه دیرلری عدالت ؟

ژاپنیاده منتشر اخوت اسلامیه غزته سنك ۱۲ نجی نسخه سندن عیناً :

فلمنکیلرک هند شرقیده استبدادلری

بر سلطانک بیانی

سنغاپور رفیقز « ستریتس تایمز » غزته سنك ، ۱۵ شباط ۱۹۱۱ تاریخ نسخه سی حراولمق ایچین چالیشان بونون حکومت اسلامیه نك کوزینی آچنه یارایه جق بر مکتوب نشر ایدیور . اسلام مملکتلری اوزرنده اجرای حکومت ایدن اوروپا دولتلری بو حکومت اسلامیه نك بر دوره تجدد و تعالی یه کیرمسی منع ایچون هر درلو اسبابه توسل خصوصه سنده یکدیگرینه باغلیدرلر . لکن فلمنك حکومتی طرفسندن جاوا ، سوماترا و سائر هند شرقیده کی مسلمانلره ایدیلن معامله تاریخ بشریتده انک چیرکین بر بحیفه تشکیل ایدر . بوزاده کی مسلمانلره عادتا بر جانی کی عداولونویور ، کنیدلرینه حیوان کی معامله اولونویور ،